

IZVJEŠTAJ O RADU UDRUŽENJA u 2016. godini

1. Rotaract Club Tuzla i UGIP Rino Zandonai su organizovali izložbu fotografija pod nazivom "Kulturno naslijeđe Tuzle kroz arhitekturu". Izložba je bila je otvorena 10.3.2016. godine u Narodnoj biblioteci Derviš Sušić Tuzla.
2. Novinarka Radio televizije Tuzlanskog kantona Azra Gegić Kahrović je priredila emisiju o kulturnim i tradicionalnim vrijednostima groblja Borić, u kojoj je učestvovao Tihomir Knežiček. Emisija je snimana u okviru serijala Hod vijekova i emitovana u četvrtak 7.4.2016. godine. Tema emisije je stanje spomeničke kulture na groblju Borić, ugroženost groblja klizištem kao i prikaz spomenika koje su radili Italijani u Tuzli.
3. Tihomir Knežiček je 22.7.2016 posjetio Narodnu i univerzitetsku biblioteku Derviš Sušić Tuzla, gdje se susreo sa direktorom dr. sc. Edinom Jahićem kako bi preuzeo donaciju namijenjenu Udruženju građana italijanskog porijekla. Riječ je o doniranju 68 knjiga na italijanskom jeziku različitih sadržaja iz oblasti književnosti, historije, kulturne historije, umjetnosti i arhitekture.
4. Članica udruženja Nada Dobnik organizovala je retrospektivnu samostalnu izložbu koja je otvorena u BKC Tuzla od 31.8.-14.9.2016. godine. Nada Dobnik nije bila prisutna na otvaranju izložbe jer je u bolnici Gradina na rehabilitaciji od povreda nastalih u saobraćajnoj nezgodi koja se desila samo sedam dana prije otvaranja izložbe.
5. Manifestacija „Dan italijanske kuhinje u Tuzli 2016.“ je uspješno održana u subotu 3.9.2016. godine. Manifestacija je počela u 19.00 sati, završila u 20. sati, a nakon manifestacije članovi udruženja su nastavili druženje u obližnjoj konobi. Manifestacija je održana na otvorenom, u centru grada, ispred kina Centar gdje se i ranije održavala. Manifestaciju su realizovale 11 članica udruženja, uz asistenciju mlađih članova koji su takođe posluživali hranu, ali i drugih članova Udruženja.
6. Trentini nel mondo, kao i prethodnih godina, dostavio je spisak članova Trentini kluba Tuzla koji ostvaruju pravo na jednokratnu socijalnu pomoć. Na listi kandidata je bilo 18 članova. Prijavljeni su novi kandidati koji su i podržani socijalnim programom. Snimanje socijalnih kartona je obavila socijalna radnica Sanja Marković.
7. Predsjednik udruženja prisustvovao sahranama članova udruženja.
8. WEB stranica udruženja se redovno održava, i povremeno se stavljaju obavijesti na facebook grupu Tuzlanski Trentini.

FINANSIJSKI IZVJEŠTAJ za 2016. godinu

Udruženje je uredno prijavilo godišnji obračun za 2016. godinu kod nadležne Porezne uprave Tuzla.

Bilans uspjeha pokazuje rezultat primitka sredstava u iznosu od 2.300,00 KM.

Bilans stanja pokazuje iznos sredstava koji je ostao na raspolaganju 31.12.2016. godine: a to je 350,00 KM.

Kao i svake godine, izvori sredstava su projektni fondovi uglavnom domaćih donatora. Sredstva socijalne pomoći se ne realizuju preko računa Udruženja nego se isplate vrše direktno na račune korisnika. Udruženje nema poreskih dugovanja.

PLAN RADA UDRUŽENJA

ZA 2018.

1. Udruženje nastavlja sa održavanjem tradicionalnih manifestacija (Dan Italijanske kuhinje u Tuzli).
2. Okupljanja i druženja članova udruženja.
3. Nastavlja sa održavanjem WEB stranice udruženja.
4. Nastavlja sa prikupljanjem građe za drugo izdanje monografije o Italijanima u Tuzli.
5. Nastavlja sa realizacijom programa socijalne pomoći.
6. Nastavlja se saradnja sa udruženjima Italijana u BiH, i sa drugim udruženjima.
7. Aplicira na projekte gdje može ponuditi kvalitetnu projektnu ideju.
8. Prikupljanje članarine za period 2014. do 2018.
9. Učešće na skupovima koje organizuje Trentini nel mondo.
10. Priprema finansijskih izvještaja za 2018. prema AFIP.
11. Promocija kulture i zaštite kulturno istorijskog naslijeđa Italijana u Tuzli.
12. Prezentacija mogućnosti za boravak mladih u Italiji (boravak u obiteljima, školovanje, sportski susreti).
13. Nastavak saradnje sa Trentini nel mondo.
14. Učešće u radu VNM BiH i VNM Tuzlanskog kantona.
15. Saradnja sa medijima i medijski nastupi.